

*Samstarfssamningur Akureyrarbæjar
og Íþróttabandalags Akureyrar
2024-2026*

Samstarfssamningur Akureyrarbæjar og Íþróttabandalags Akureyrar

Akureyrarbær, kt. 410169-6229 og Íþróttabandalag Akureyrar (ÍBA), kt. 670169-1389, gera með sér eftirfarandi samstarfssamning. Samningurinn kveður á um samskiptamál, styrkveitingar, rekstur og önnur sameiginleg hagsmunamál.

1. gr.

Markmið samningsins er að efla tengsl aðila til að íþróttastarf á Akureyri verði áfram kraftmikið, bæjarbúum til heilla. Í því felst að skapa sem bestar aðstæður til að reka starfsemi sem tryggir bæjarbúum öflugt íþróttastarf, einkum í barna- og unglिंगastarfi.

2. gr.

Fræðslu- og lýðheilsuráð, f.h. Akureyrarbæjar og stjórn ÍBA annast framgang þessa samkomulags. ÍBA er tengiliður aðildarfélaga sinna við fræðslu- og lýðheilsuráð Akureyrarbæjar og Akureyrarbæ. Aðildarfélög skulu beina öllum erindum sínum til stjórnar ÍBA sem vinnur mál áfram og vísar áfram til fræðslu- og lýðheilsuráðs og/eða annarra viðeigandi ráða eða starfsfólks Akureyrarbæjar ef þurfa þykir. ÍBA skal hafa framkvæmdastjóra í fullu starfi sem m.a. sinnir verkefnum skv. þessu samkomulagi. Forstöðumaður íþróttamála Akureyrarbæjar og framkvæmdastjóri ÍBA annast dagleg samskipti varðandi verkefni þessa samkomulags.

3. gr.

ÍBA hefur eftirlit og umsjón með að aðildarfélög sinni faglegu starfi í samræmi við íþróttanámskrá ÍBA, barna- og unglिंगastefnu ÍSÍ og lýðheilsustefnu Akureyrarbæjar og ÍBA.

ÍBA hefur eftirlit með starfsemi íþróttafélaganna, veitir þeim faglega ráðgjöf og stuðning eftir bestu getu.

ÍBA vinnur að því að efla ímynd íþróttar og heilbrigðs lífennis sem hluta af *Heilsueflandi samfélagi* og hvetur íbúa Akureyrarbæjar til að taka þátt í íþróttum og hreyfingu, t.d. í gegnum heilsueflandi verkefni, s.s. „Hjólað í vinnuna“, „Hreyfiviku UMFÍ“ og „Lífshlaupið“.

ÍBA skal leitast við að taka að sér ýmis verkefni tengd íþróttastarfi svo sem að vinna að framgangi íþróttahreyfingarinnar á Akureyri svo sem með kynningu og markaðsetningu og aðkomu að framkvæmd íþróttaviðburða.

Stefnt er að því að sem flest aðildarfélög ÍBA verði fyrirmyndarfélög ÍSÍ.

4. gr.

ÍBA hefur umsjón með að úthluta aðildarfélögum æfingartímum í íþróttamannvirkjum Akureyrarbæjar í samræmi við reglur ÍBA og fræðslu- og lýðheilsuráðs um tímaúthlutun í íþróttamannvirkjum Akureyrarbæjar, sbr. fylgiskjal 1.

Samningsaðilar skulu hafa lokið við endumýjun á reglum ÍBA og Akureyrarbæjar um tímaúthlutun í íþróttamannvirkjum Akureyrarbæjar fyrir 1. ágúst 2024 og verða nýjar reglur hluti af þessum samningi.

Æfingatímar félaga í íþróttamannvirkjum Akureyrarbæjar reiknast sem styrkur til íþróttafélaga og skal þess getið í bókhaldi félaganna. ÍBA hefur eftirlit með að svo verði gert. Með því á að tryggja að ekki falli kostnaður á iðkendur vegna húsnæðis til æfinga og keppni í íþróttamannvirkjum Akureyrarbæjar. ÍBA og fræðslu- og lýðheilsuráð stefna að því að tryggja öllum aðildarfélögum aðstöðu í íþróttamannvirkjum Akureyrarbæjar.

ÍBA skal taka saman árlega upplýsingar fyrir fræðslu- og lýðheilsuráð um sundurliðun tímaúthlutunar æfingatíma til aðildarfélaga eftir félögum, íþróttagreinum, aldri og kyni.

5. gr.

Fræðslu- og lýðheilsuráð og ÍBA skulu sjá til þess í sameiningu að öll kyn njóti jafnra tækifæra til að stunda íþróttir. Aðildarfélög ÍBA skulu hafa virka jafnréttisstefnu og fylgja mannréttindastefnu Akureyrarbæjar (fylgiskjal 5). Aðildarfélög ÍBA skulu setja sér siðareglur sem eiga við starfsmenn og stjórnarmenn hvers félags, m.t.t. siðareglna ÍSÍ og hegðunarviðmiða ÍSÍ. ÍBA og aðildarfélög skulu kynna sér stefnumótun Akureyrarbæjar í málefnum er snúa að börnum og unglingum og íþrótt-, æskulýðs- og tómstundastarfi.

ÍBA skal kyngreina upplýsingar eftir fremsta megni þar sem því verður við komið.

6. gr.


Til þess að styðja við og efla íþróttastarf og starfsemi aðildarfélaga ÍBA mun fræðslu- og lýðheilsuráð gera ráð fyrir styrkjum til ÍBA í fjárhagsáætlun hverju sinni. Framlag fræðslu- og lýðheilsuráð til ÍBA skv. þessu samkomulagi skiptist svo:

1. Styrkur til reksturs skrifstofu ÍBA
 - Þ.m.t. laun og launatengd gjöld framkvæmdastjóra, rekstur skráningarkerfis og annar skrifstofukostnaður
2. Framlag til styrkveitinga skv. samþykkt Afrekssjóðs Akureyrar (þ.m.t. ferðasjóði) sbr. fylgiskjal 2.
3. Framlag til styrkveitinga skv. kvennastyrk/jafnréttisstyrk sbr. fylgiskjal 3.
4. Styrkur í formi húsaleigu fyrir skrifstofu ÍBA í mannvirki Akureyrarbæjar.
5. Styrkur vegna húsaleigu- og æfingastyrkja samkvæmt reglum ÍBA og Akureyrarbæjar, sbr. fylgiskjal 1.

Framlag Akureyrarbæjar til ÍBA á ársgrundvelli

Rekstur skrifstofu

1. Skrifstofukostnaður, þ.m.t. laun framkvæmdastjóra	20.500.000 *
	<u>20.500.000</u>
Styrkir til aðildarfélaga	
2. Afrekssjóður Akureyrar	7.800.000 **
3. Kvennastyrkur/jafnréttisstyrkur	2.800.000 **
	<u>10.600.000</u>

3 

Húsaleiga og æfingastyrkir

4. Húsaleiga vegna skrifstofu ÍBA í mannvirki Akureyrarbæjar	4.500.000	***
5. Styrkur vegna húsaleigu- og æfingastyrkja	990.724.000	*****
	<u>995.224.000</u>	
Samtals	<u>1.026.324.000</u>	

*Verðbætt skv. launavísitölu frá 1. júlí 2024. Uppreiknað 1. janúar hvert ár frá og með 2025.

**Byggt á umsókn ÍBA ár hvert til Fræðslu- og lýðheilsuráðs. Ákveðið samhlíða fjárhagsáætlunavinnu Fræðslu- og lýðheilsuráðs árlega.

***Byggt á innri leigu innan Íþróttadeildar sem er uppreiknuð frá 1. janúar ár hvert.

****Byggt á umsóknum aðildarfélaga til ÍBA um notkun ár hvert. Ákveðið samhlíða fjárhagsáætlunavinnu Fræðslu- og lýðheilsuráðs árlega.

Greiðslur á framlagi til ÍBA skv. lið 1 og 2 hefjast í janúar 2024 og greiðast fyrirfram, mánaðarlega, í tólf jöfnum greiðslum og skal fyrsti vinnudagur hvers mánaðar teljast gjalddagi. Skulu greiðslur lagðar inn á reikning ÍBA í þeirri bankastofnun sem ÍBA tilgreinir.

Framlag vegna 2. *Afrekssjóður Akureyrar* verður greitt í byrjun hvers árs að undangengnum upplýsingum frá ÍBA.

Framlag vegna 3. *Kvennastyrkur/jafnréttisstyrkur* verður greitt í ágúst/september að undangengnum upplýsingum frá ÍBA.

Framlag vegna Húsaleigu og æfingastyrkja verður í umsýslu Akureyrarbæjar.

Styrkir og framlög fræðslu- og lýðheilsuráðs eru með fyrirvara um framlög úr bæjarsjóði á fjárhagsáætlun hvers árs.

ÍBA getur sótt um fjármagn til fræðslu- og lýðheilsuráðs þegar við á umfram það sem tilgreint er í samkomulagi þessu vegna styrkveitingar sbr. 5. gr. 4. lið í Samþykkt Afrekssjóðs Akureyrar, sjá fylgiskjal 2.

Ef skilyrðum styrkjanna er ekki fylgt er ÍBA heimilt að stöðva/bíða með greiðslur til aðildarfélags uns skilyrði eru uppfyllt. ÍBA hefur eftirlit með að félög uppfylli reglur og skilyrði styrkjanna.

Framlög Akureyrarbæjar til ÍBA vegna styrkveitinga til aðildarfélaga eru eingöngu ætluð í þau verkefni (styrki) sem talin eru upp hér að ofan og í samræmi við samþykktir og vinnu- og verklagsreglur.

Í framhaldi af styrkveitingum skal ÍBA skila til fræðslu- og lýðheilsuráðs greinargerð hvernig framlagi fræðslu- og lýðheilsuráðs til ÍBA vegna styrkveitinga var notað.




7. gr.

ÍBA skal skila fræðslu- og lýðheilsuráði greinargerð um framkvæmd samningsins og ráðstöfun framlaga frá Akureyrarbæ. Greinargerðin skal berast eigi síðar en 15. mars ár hvert.

Auk þess skal greinargerðin m.a. innihalda tölfræði s.s. yfirlit yfir fjölda iðkenda, iðkanir (byggt á tölum frá ÍSÍ), nýtingu mannvirkja, fjölda tíma per félag og greina, kynjasambættingu, fjölda Íslandsmeistara og landsliðsmanna.

ÍBA og aðildarfélög skulu upplýsa í kynningum á starfsemi sinni að þau njóti styrkja frá Akureyrarbæ.

Ársreikingar ÍBA og aðildarfélaga skulu vera aðgengilegur á heimasíðu viðkomandi félags og heimasíðu ÍBA.

8. gr.

Aðildarfélög ÍBA taka við frístundastyrk Akureyrarbæjar og fylgja þeim reglum sem um frístundastyrk Akureyrarbæjar gilda. Sjá fylgiskjal 4.

ÍBA skal vera með yfirumsjón og kerfisstjórn fyrir rafrænt skráningarkerfi sem snýr að aðildarfélögum og aðstoða aðildarfélög við notkun á kerfinu.

9. gr.

Fræðslu- og lýðheilsuráð sér um að gera rekstarsamning við þau aðildarfélög ÍBA sem sjá um og reka íþróttamannvirki í eigu Akureyrarbæjar og annast greiðslur og uppgjör við þau félög.

10. gr

Fræðslu- og lýðheilsuráð á rétt á áheyrnarfulltrúa, með málfrelsi og tillögurétt, á stjórnarfundum ÍBA. ÍBA á rétt á áheyrnarfulltrúa á fundum fræðslu- og lýðheilsuráðs þegar erindi eða tengd mál aðila eru til umfjöllunar. Jafnframt eru samningsaðilar sammála um að vinna að því sameiginlega markmiði að efla Akureyrarbæ sem íþróttabæ og sameinast um stefnumótun í öllu íþróttastarfi á Akureyri til heilla.

11. gr.

ÍBA skal taka saman í ágúst/september yfirlit fyrir fræðslu- og lýðheilsuráð frá aðildarfélögum yfir verkefni, framkvæmdir, viðhald og endurnýjun áhaldna og búnaðar þar sem þörf er á aðkomu Akureyrarbæjar. ÍBA skal forgangsraða tillögum aðildarfélaga og skila inn til fræðslu- og lýðheilsuráðs í september ár hvert. Í framhaldinu hefur fræðslu- og lýðheilsuráð tillögurnar til hliðsjónar við gerð fjárhagsáætlunar.

Yfirlitið gerir kröfu á aðildarfélög um að skipuleggja fjármögnun verkefna tímanlega til að auðvelda fræðslu- og lýðheilsuráði skipulag fjárhagsáætlunar ár hvert.

12. gr.

ÍBA er óheimilt að gera samninga við þriðja aðila sem eru fjárhagslega skuldbindandi fyrir ÍBA umfram framlag Akureyrarbæjar til rekstur skrifstofu ÍBA, sbr. 6. gr. nema



með fengnu samþykki forstöðumanns íþróttadeildar Akureyrarbæjar og sviðsstjóra fjársýslusviðs Akureyrarbæjar.

13. gr.

Gildistími þessa samnings er frá og með 1. janúar 2024 og til og með 31. desember 2025 en er uppsegjanlegur að beggja hálfu með 6 mánaðar fyrirvara á gildistímanum. Heimilt er að endurskoða samning þennan eða fella úr gildi verði verulegar breytingar á umfangi rekstrar eða verulegar forsendubreytingar hjá samningsaðilum. Gert er ráð fyrir að samningur þessi verði tekinn til endurskoðunar svo oft sem þurfa þykir.

15. gr.

Rísi ágreiningur út af samningi þessum skulu aðilar skipa sinn hvorn fulltrúa í sáttanefnd og koma sér saman um hlutlausan oddamann. Nefndin skal skera úr ágreiningi og úrskurður hennar er endanlegur.

Samningur þessi er gerður í tveimur samhljóða eintökum, einu fyrir hvorn aðila.

Akureyri 14. ágúst 2024

F.h. Akureyrarbæjar
Ásthildur Sturludóttir
Bæjarstjóri



F.h. ÍBA,

Jóna Jónsdóttir
Formaður



Vottar

Elbítta kt. 120975-5529

Helga Björg Ingvad. kt. 250682-3449

Fylgiskjöl

Með samningi þessum eru fimm fylgiskjöl sem vísað er í texta samningsins hér að ofan. Fylgiskjölin er að finna á heimasíðu Akureyrarbæjar, www.akureyri.is

Fylgiskjal 1

Reglur um húsaleigu- og æfingastyrki Í.B.A og Í.R.A.

https://www.akureyri.is/static/files/ithrottamal/Reglur_um_husaleigu-og_aefingastyrki.pdf

Fylgiskjal 2

Samþykkt Afrekssjóðs Akureyrarbæjar

<https://www.iba.is/is/um-iba/afrekssjodur/samthykkt-um-afrekssjod-akureyrarbaejar>

Fylgiskjal 3

Kvenna/jafnréttisstyrkir íþróttaráðs

<https://www.akureyri.is/static/files/ithrottamal/samningar/vidmid-og-vinnureglur-vegna-kvennastyrkja-samthykkt-22-05-2014.pdf>

Fylgiskjal 4

Úthlutunarreglur frístundastyrks

<https://www.akureyri.is/static/files/ithrottamal/endurskodadar-reglur-um-fristundastyrk-til-barna-jan2024.pdf>

Fylgiskjal 5

Mannréttindastefna Akureyrarbæjar

<https://www.akureyri.is/is/stjornkerfi/stjornsysla/reglur-og-samthykktir/jafnrettis-og-fiolskyldumal/mannrettindastefna-akureyrarbaejar-2023-2027>

